

應山川神祇有功德及民者所在長吏條陳奏聞言功遷賞

應冥吏陰曹無濫刑無僭賞者與陞仙職以次進補陽官

應三途五苦見禁請役地水二司囚繫罪奕並與蠲除宿犯解釋冤仇脫離幽途往

生福境

應六道四生展轉報對無有窮已並與原宥愆過和釋冤讎俾出輪迴超登善界

應玄壇所度亡故某人及某氏九玄七祖億劫種親並與消解宿憾落滅惡根受化

起生道遙自在

應世傷亡死非正命沈魂滯魄久墮冥鄉並與削除過咎解釋冤憎隨品受生免輪

幽暗

應血湖地獄諸類產魂並與蠲滌過犯蕩除冤仇母子分離形神超邁

應諸類幽魂曾經子孫薦拔未遂超升者並與引用日前所修功德無大小咸使升

蓮母滯陰域

應九州十道萬姓三軍士農工商男女老幼有主無主凶終善終沈淪幽鄉久不受化者並與洗滌冤枉散釋愆孽速令轉輪受生樂處

應赦書謄載不盡事件所在長吏條錄奏

陳

於厥疾痛呼天高翔於翳累齋戒事帝猶冀滌於愆瑕况赦書之敷諭周詳而實語之

光明輝燁十華讚嘆三極皈依宜回幽路之

春緯闢寒度之旦下塞死尸上開生門凡爾

攸司各宜遵奉赦書到日主者施行購奉上

帝教請翻錄行下所屬遵依帝教風火無停

故牒

年

月

日

具法位

姓

承

詔

奉行

右玉皇微號寶敕九天生神齋用之書寫格式得旨填款亦如前只用此數字可滿背書奉玄都省牒九幽主宰億萬冥曹

太上濟度章赦卷下

御製靈寶天尊說洪恩靈濟真君妙經序朕惟道之為教闡鴻濛虛玄之秘具無極自然之妙窈窕冥冥昏默視之而不見其形聽之而不聞其聲上以陰翊皇度下以利濟羣品功德之大不可名言有若

九天金闕明道達德大仙顯靈溥濟清微洞

玄冲虛妙感慈惠護國庇民洪恩真君江王

九天玉闕宣化扶教上仙昭靈博濟高明弘

靜冲湛妙應仁惠輔國佑民洪恩真君饒王

萃靈鍾秀天挺人豪寬惠慈祥仁民愛物忠

君孝親崇信三寶篤志好善精勤不二功成

行滿遂感天封昭錫徽號序列仙品彫亮化

機出幽入明禦災捍患驅疹致祥敷祐下土

利濟羣生乃者弘闡靈貺翊衛朕躬扶持保

庇載底千享已而示以符藥廣施寰宇期在

使人蠲除疾疢蕃育子孫大德深恩同於天

地朕感神之惠夙夜弗忘萬幾之暇因閱

靈寶天尊說洪恩靈濟真君妙經顯微玄奧

神化莫測方便利益拔濟曠劫誠燭幽之日

月而濟海之舟航也乃以鈔祥用廣流傳以

報神休善信之士果能洗滌懺悔崇信三寶  
盡忠盡孝行仁行義弘發誓願受持諷誦則  
身家吉慶命運亨通子孫蕃衍消災度厄增  
福延壽延及九祖咸獲超躋苟或管毀輕慢  
凌忽三寶不忠不孝不仁不義不能敬信奉  
持則身罹惡業門戶衰替子孫微弱壽年大  
促累及九祖永墮淪冥歷觀已往具有明徵  
於乎吉凶善惡皆由心造為善獲福為惡受  
殃此自然之理故曰積善之家必有余慶積  
不善之家必有余殃又曰惟上帝不常作善  
降之百祥作不善降之百殃然則觀於此者  
可不知所勉哉可不知所勉哉

永樂十八年正月初一日

靈寶天尊說洪恩靈濟真君妙經

爾時靈寶天尊在大羅天上五明宮中憑几  
而坐鐘磬自鳴宴集諸天星衆五斗大神宣  
演太上無極至真妙道時有斗中都水二使  
者在執青節右仗黃鉞侍立帝前稽首再拜  
長跪而進言臣等宿生慶幸得預天人下觀  
慾界衆生不忠不孝不義不仁多作惡業全  
無慚愧曆數已終今生末劫丑口失圖網維  
折裂兵火肆興玉石焚喪或遭洪水或遇凶  
年刑賦苛虐災毒流行罹諸苦惱不知解悟  
生意幾息人道將窮作何因緣可以救度願  
垂憐憫開方便門  
天尊曰善哉善哉末劫衆生一如赤子於汝  
如是心成汝如是願依吾教法廣為衆生說  
諸因緣令開悟性勿生疑慮曰忠與孝曰仁  
與義四者修持常居吉慶臣等既承斯語敢  
不奉行乃於甲辰之歲丙午之年下降人間  
分身教化成功東海顯跡南邦甲子一週復  
還職任香火一方歷年彌久載逢滅度復接  
如初躡進仙階真君錫號蒙

天尊嗟憫之仁體太上好生之德使一切善  
男善女知身性命皆憑道生忠孝仁義了悟  
此因能於三元八節三會五臘庚申甲子本  
命之日焚香修齋如法供養冥心向北稽首  
禮念

九天金闕明道達德大仙顯靈溥濟清微洞  
玄冲虛妙感慈惠護國庇民洪恩真君江王  
九天玉闕宣化扶教上仙昭靈博濟高明弘  
靜冲澹妙應仁惠輔國佑民洪恩真君饒王  
奉對聖慈依經懺悔不違真君之誓願各以  
忠孝仁義而立身內可以增福延年外可以  
消災度厄上可以使祖福之魂神超度下可  
以使家宅之眷屬又享普願衆生同霑利樂  
於是

天尊重為真君演說而作偈曰

靈濟真君 修真得道 遊宴仙都  
天尊錫號 北斗降神 洋洋于左  
下臨三界 上朝五老 福國寧家  
其功浩浩 無願不從 默符所禱  
忠孝仁義 永為身寶 用作因緣

不違持好 一切善惡 皆由心造  
為善者福 為惡者禍 急急如  
天尊律令勅

靈寶天尊說洪恩靈濟真君妙經

洞玄靈寶自然九天生神章經

人三

三寶大有金書

天寶君者則大洞之尊神天寶丈人則天寶君之祖炁也丈人是混洞太無元高上玉虛之炁九萬九千九百九十億萬炁後至龍漢元年化生天寶君出書時號高上大有玉清官

靈寶君者則洞玄之尊神靈寶丈人則靈寶君之祖炁也丈人是赤混太無元玄上紫虛之炁九萬九千九百九十九萬炁後至龍漢開圖化生靈寶君經一切至赤明元年出書度人時號上清玄都玉京七寶紫微宮

神寶君者則洞神之尊神神寶丈人則神寶君之祖炁也丈人是冥寂玄通元无上清虛之炁九萬九千九百九十萬炁後至赤明元年化生神寶君經二劫至上皇元年出書時號三皇洞神太清太極宮此三號雖年殊號異本同一也分為玄元始三炁而治三寶皆三炁之尊神號生三炁三號合生九炁九炁出乎太空之先隱乎空洞之中無光無象無

形無名無色無緒無音無聲導運御世開闢玄通三色混沌乍存乍亡運推數極三炁開光炁清高澄積陽成天炁結凝滓穢滯成地九炁列正日月星宿陰陽五行人民品物並受生成天地萬化自非三元所有九炁所導莫能生也三炁為天地之尊九炁為萬物之根故三合成德天地之極也人之受生於胞胎之中三元育養九炁結形故九月神布炁滿能聲聲高神具九天稱慶太一執符帝君品命主錄勅籍司命定筭五帝監生聖母衛房天神地祇三界備守九天司馬在庭東向讀九天生神寶章九過男則萬神唱恭女則萬神唱奉男則司命敬諾女則司命敬順於是而生九天司馬不下命章萬神不唱恭諾終不生也夫人得還生於人道濯形太陽驚天駭地貴亦難勝天真地神三界齊臨亦不輕也當生之時亦不為陋也所以能愛其形保其神貴其炁固其根終不死壞而得神仙骨肉同飛上登三清是與三炁合德九炁齊并也但人得生而自不能尊其炁貴其形實